

Պայմաններ և դրույթներ

Գովազդային արշավի անունը.

«Ջենիֆեր Լոպեսի հետ հանդիպման խաղարկություն», (այսուհետ նաև՝ «Արշավ»):

Վիզան և «Էվոկաբանկ» ՓԲԸ-ն (այսուհետ նաև՝ «Էվոկաբանկ»), միասին նշելու դեպքում՝ «Մենք», Հայաստանում Էվոկաբանկի Վիզա քարտապանների համար իրականացնում են Արշավ, համաձայն որի՝ յուրաքանչյուր Էվոկաբանկի Վիզա քարտապան, ով առնվազն 30,000 ՀՀ դրամ և ավելի արժողությամբ գնում է կատարում, վճարելով իր Էվոկաբանկի Վիզա քարտով, ավտոմատ կերպով մասնակցում է Արշավի վերջում կազմակերպվող խաղարկությանը և կարող է շահել Ջենիֆեր Լոպեսի հետ հանդիպում (այսուհետ՝ «Նվեր»)՝ սույն փաստաթղթով սահմանված պայմաններին համաձայն (այսուհետ՝ «Պայմաններ և դրույթներ»):

Սույն Պայմաններին և դրույթներին համաձայնելով՝ Դուք հայտարարում եք, որ ծանոթացել եք խաղարկությանը մասնակցելու և Նվեր շահելու պայմաններին նախքան գնումներ կատարելը, ինչպես նաև ընդունում եք ստորև ներկայացվող բոլոր պայմանները:

Մենք իրավունք ենք վերապահում ժամանակ առ ժամանակ վերանայել սույն Պայմաններն ու դրույթները: Խնդրում ենք պարբերաբար վերանայել Պայմաններն ու դրույթները՝ փոփոխությունների հետ ծանոթանալու նպատակով: Մենք որևէ պարտավորություն չենք կրում Ձեզ նախապես ծանուցելու Պայմաններում և դրույթներում ակնկալվող փոփոխությունների մասին, իսկ Դուք համաձայնում եք, որ Արշավին մասնակցում եք բացառապես սեփական ռիսկով:

Արշավի նկարագրությունը, պայմանները և համապատասխանությունը

Եթե Դուք Էվոկաբանկի Վիզա քարտապան եք, Դուք կարող եք շահել խաղարկվող Նվերը, եթե Դուք միաժամանակ բավարարում եք հետևյալ պայմաններին՝

ա. Դուք 30,000 ՀՀ դրամ (POS տերմինալի կամ էլեկտրոնային առևտրի միջոցով) և ավել արժողությամբ գնում եք կատարում Ձեր Էվոկաբանկի Վիզա քարտի միջոցով Արշավի անցկացման օրերին:

բ. Յուրաքանչյուր քարտի վրա առկա վերջին 6 թիվը պատահականության սկզբունքով ընտրվել է որպես հաղթող և Դուք համաձայնել եք հաղթող ճանաչվել:

Միայն Վիզա քարտապանները, որոնց քարտերը թողարկվել են Հայաստանի Հանրապետության Էվոկաբանկի կողմից, իրավունք ունեն մասնակցել Արշավին:

Խաղարկության արդյունքներն ամփոփվում են ուղիղ հեռարձակմամբ՝ Էվոկաբանկի ներկայացուցիչներից կազմված հանձնաժողովի կողմից: Կազմակերպչի (Վարողի) կողմից պատահականության սկզբունքով աշխատող համակարգը դուրս է բերում հաղթող քարտի վերջին 6 թիվը և քարտապանի վերաբերյալ անհրաժեշտ տեղեկությունը ճշտելուց հետո բանկի համապատասխան աշխատակիցները հեռախոսազանգի միջոցով կապ են հաստատում քարտապանների հետ:

Քարտապանին զանգահարում են հաջորդաբար երեք անգամ:

Այն դեպքում, եթե քարտապանի հետ կապ հաստատել չի ստացվում, հաղթանակը չեղարկվում է և Կազմակերպչի (Վարողի) կողմից դուրս է բերվում այլ քարտի համար:

Արշավի ժամկետները

Արշավն իրականացվում է 2025 թվականի **հուլիսի 25-ից, ժամը 00:00:00** մինչև **2025 թվականի հուլիսի 30-ը, ժամը 23:59:59:**

Այդ ամսաթվերին հաստատված գործարքներն են իրավասու մասնակցել Արշավին:

Արշավի անցկացման օրերը փոփոխության ենթակա չեն:

Ուղիղ հեռարձակմամբ խաղարկությունը տեղի կունենա 2025 թվականի **օգոստոսի 1-ին, 15:00:**

Նվերի հանձնումը

Նվերը ստանալու համար Ձեզանից կպահանջվի ներկայացնել Ձեր անձնագիրը և սոցիալական քարտի համարը կամ նույնականացման քարտը, բնակության հասցեն և հեռախոսահամարը:

Ձեզ հետ լրացուցիչ կապ կհաստատեն և կտեղեկացնեն Նվերը ստանալու ամսաթվի, ժամի և տեղի մասին:

Սույնով տեղեկացնում ենք Ձեզ, որ Հայաստանի Հանրապետության Հարկային օրենսգրքի համաձայն՝ Նվերը հարկվում է եկամտային հարկով, որը կվճարվի Էվոկաբանկ ՓԲԸ կողմից: Էվոկաբանկ ՓԲԸ-ն հանդես կգա որպես Ձեր հարկային գործակալ և կվճարի Ձեր եկամտային հարկը Ձեր անունից անմիջապես հարկային մարմիններին: Ձեր անձնագրային տվյալները, ներառյալ Ձեր անձնական տվյալները, հավաքագրվում և մշակվում են Էվոկաբանկ ՓԲԸ-ի կողմից Հայաստանի Հանրապետության Հարկային օրենսգրքի համաձայն՝ հարկային պարտավորությունների կատարման նպատակով:

Բացառություններ

Մասնակցության պայմանները չբավարարող գործառնությունները չեն մասնակցում Արշավին:

Տարընկալումներից խուսափելու համար՝ սահմանվում է, որ հետևյալ տեսակի գործառնությունները չեն մասնակցի Արշավին՝

1. Այն գործառնությունները, որոնք կատարվել են ոչ Էվոկաբանկի Վիզա քարտերով:
2. Այն գործառնությունները, որոնք կատարվել են Արշավի օրերից դուրս:
3. Կանխիկացումները:
4. Այն գործառնությունները, որոնց հանրագումարը չի գերազանցում 30,000 ՀՀ դրամը:
5. Այլ ֆիզիկական կամ իրավաբանական անձի հաշվին կատարված քարտային փոխանցումները:
6. Շահումով խաղերի հետ կապված գործառնությունները:
7. Ցանկացած անօրինական գործառնությունները:
8. 18 տարին չլրացած ֆիզիկական անձի կողմից կատարված գործառնությունները:
9. Այն ֆիզիկական անձանց կողմից կատարված գործառնությունները, որոնց, ՀՀ օրենսդրությանը համապատասխան, արգելվում է մասնակցել խաղարկությունների:
10. Գործառնությունները, որոնք կատարվել են 2025 թվականի հուլիսի 25-ի ժամը 00:00:00-ից մինչև 2025 թվականի հուլիսի 30-ի ժամը 23:59:59-ը (տեղի ժամանակով):
11. Դրամապանակների համալրումը, կոմունալ և հեռահաղորդակցության ծառայությունների դիմաց վճարումները:
12. Սեփական հաշիվների միջև և քարտից քարտ փոխանցումների գործառնությունները:
13. Փոխանցումներ ՀՀ պետական բյուջե:

14. SWIFT փոխանցումներ:
15. Փոխանցումներ դեպի Էլեկտրոնային փողի համակարգեր:
16. Վարկերի վճարումներ, ավանդի համալրում, ֆինանսական այլ գործառնությունների իրականացում:

Անձնական տվյալների մշակման համաձայնություն

Դուք սույնով ծանուցվում եք այն մասին, որ մեր հաշվետվողական պարտավորությունների կատարման, ինչպես նաև ՀՀ Հարկային օրենսգրքին համապատասխան հարկային հաշվառում և հարկային հաշվետվություններ ներկայացնելու պարտավորության կատարման նպատակով՝ Արշավին Ձեր մասնակցության ժամանակ Ձեզանից կարող է պահանջվել մեզ տրամադրել որոշ անձնական տվյալներ: Համաձայնելով սույն Պայմաններին և Դրույթներին՝ Դուք ուղղակիորեն մեզ տալիս եք Ձեր անձնական տվյալները մշակելու համաձայնություն, ինչպես նախատեսված է սույն կետում, հետևապես, Ձեր անձնական տվյալների մշակման իրավական հիմքն է հանդիսանում Ձեր գրավոր համաձայնությունը:

ա. Հավաքագրվող անձնական տվյալների տեսակը.

Ձեզանից կարող է պահանջվել մեզ տրամադրել Ձեր անունը, ազգանունը, հեռախոսահամարը, ստորագրությունը, ինչպես նաև Ձեր անձնագրի կամ նույնականացման քարտի տվյալները, սոցիալական քարտի համարը, բնակության հասցեն, որոնք այսուհետ միասին՝ «Անձնական տվյալներ»:

բ. Անձնական տվյալների հետ կատարվող գործողությունները.

Ձեր համաձայնության հիման վրա Ձեր անձնական տվյալները կարող են հավաքագրվել, պահպանվել, ուղղվել, համակարգվել, օգտագործվել, փոխանցվել, վերականգնվել կամ ոչնչացվել, բոլորը միասին այսուհետ՝ «Մշակում»՝ համաձայն «Անձնական տվյալների պաշտպանության մասին» Հայաստանի Հանրապետության օրենքի: Դուք ուղղակիորեն համաձայնվում եք, որ Ձեր Անձնական տվյալները կարող են փոխանցվել երրորդ անձանց, որոնք գտնվում են Հայաստանի Հանրապետությունում և դրա սահմաններից դուրս, այդ թվում՝ առանց սահմանափակման, Հայաստանի Հանրապետության հարկային մարմիններին՝ եկամտային հարկի հաշվարկման և վճարման համար:

գ. Համաձայնության հետևանքը.

Դուք կարող եք հետ կանչել Ձեր Անձնական տվյալների մշակման համաձայնությունը ցանկացած ժամանակ, [Hello@evoca.am](mailto>Hello@evoca.am) հասցեով և ուղարկելով գրավոր պահանջ: Մենք պարտավորվում ենք դադարեցնել Ձեր Անձնական տվյալների Մշակումը և ոչնչացնել դրանք, եթե մեզանից չի պահանջվում, որ դրանք արխիվացվեն և պահվեն համաձայն որևէ իրավական պարտավորության: Եթե համաձայնության հետևանքը ստացվել է Նվերը տրամադրելուց առաջ, Նվերը այլևս չի տրամադրվում, իսկ եթե հետևանքը ստացվել է Նվերը ստացվելուց հետո, այն Անձնական տվյալները, որոնք անհրաժեշտ են հարկային պարտավորությունների կատարման և դրա հետ կապված նպատակներով, մշակվում են:

դ. Համաձայնության ժամկետը.

Ձեր համաձայնությունը համարվում է տրամադրված Արշավին ձեր մասնակցության պահից և գործում է 10 տարի ժամկետով, եթե ավելի վաղ հետ չկանչվի:

ե. Իրավունքները.

Դուք օգտվում եք բոլոր իրավունքներից և կրում եք բոլոր պարտականությունները, որոնք տվյալների սուբյեկտի համար նախատեսված են Հայաստանի Հանրապետության «Անձնական տվյալների

պաշտպանության մասին» օրենքով: